

Вечером 6 декабря

Изменяемое №1

На Го́споди воззва́х:

Стѹх: Изведи́ из темни́цы ду́шу мою́, испове́датися ѱмени Твоему́.

Стѹх: Мене́ ждѹт пра́ведницы, до́ндеже возда́си мнѣ.

Стѹх: Из глубины́ воззва́х к Тебе́, Го́споди, Го́споди, услы́ши гла́с мой.

Стѹх: Да бу́дут ѹши Твоѹи́ внѣмлюще гла́су молѣния моего́.

Стѹх: А́ще беззаконія́ на́зриши, Го́споди, Го́споди, кто́ постои́т; ꙗ́ко у Тебе́ очище́ние е́сть.

Стѹх: И́мене ра́ди Твоего́ потерпѣх Тя́, Го́споди, потерпѣ́ душа́ моя́ в сло́во Твое́, упова́ душа́ моя́ на Го́спода.

Стѹх: От стра́жи ѹтрення́ до но́щи, от стра́жи ѹтрення́, да упова́ет Изра́иль на Го́спода.

Глас 1. Днесь красѹется град Александрія,/ пелены́ твоѹя́, мѹченице,/ в Божѣственнем хра́ме твоѣм имѣѹя премѹдро./ Тѣмже и мы благоче́стно пра́зднуем,/ Екатери́но, па́мь твоѹю́ честнѹю:/ моли́ся о чтѹщих тя.

Стѹх: ꙗ́ко у Го́спода ми́лость, и мно́гое у Него́ избавле́ние, и То́й изба́вит Изра́иля от все́х беззаконіи́й его́.

Днесь красѹется град Александрія,/ пелены́ твоѹя́, мѹченице,/ в Божѣственнем хра́ме твоѣм имѣѹя премѹдро./ Тѣмже и мы благоче́стно пра́зднуем,/ Екатери́но, па́мь твоѹю́ честнѹю:/ моли́ся о чтѹщих тя.

Стѹх: Хвалі́те Го́спода всѹ́ язы́цы, похвалі́те Его́ всѹ́ лю́дие.

Екатери́ны па́мь ны́не пра́зднуим:/ та бо ѱстинно́ вся вра́жия си́лы/ и сло́вом же и де́лом низложі́ крѣ́пко/ и ри́торское противле́ние./ Но моли́твами еѹ́ изба́ви ны, Бо́же,/ от безбо́жных враг.

Стѹх: ꙗ́ко утверди́ся ми́лость Его́ на нас, и ѱстина́ Господня́ пребыва́ет во вѣк.

Ра́дуйся, всесла́вная мѹченице Екатери́но честна́ѹ:/ Сина́йская бо гора́,/ в неѹ́же ви́де купину́ Моисѣ́й неопали́му,/ в той Христо́с

Богоугодное тело твоё,/ ныне преложив, хранит/ даже до времени
второго пришествия Своего.

Слава, глас 2: Радостно к торжеству Богомудрыя мученицы
Екатерины стецёмся,/ о мучениколюбцы!/ И тую похвалами, яко
цветы, увязём,/ радуйся, вопиюще ей,/ яже лживых ритором
свирепоустие обличивши,/ яко ненаказания исполненных,/ и тыя к
вере Божественней руководствовавши./ Радуйся, яже тело
многоплетённым мукам вдавши/ любви ради Творца твоего,/ и не
низложившись, яко отроковица негиблема./ Радуйся, яже горняя
пробывалища, возмездие болезней наследовавши,/ и славы вечныя
наслаждаешься./ Еяже желаяще, песнопевцы твой,/ надежды да не
отпадём.

И ныне, глас 8: По Рождестве Твоём, Богоневесто Владычице,
пришла еси в храм Господень/ воспитатися во святая святых,/ яко
освященна;/ тогда и Гавриил послан бысть к Тебе, Всенепорочней,
пищу Тебе принося:/ Небесная вся удивилася,/ зряще Духа Святого,
в Тя всельшася./ Темже, Пречистая и нескверная,/ яже на небеси и на
земли славима,/ Мати Божия, спаси род наш.

<далее см. основной Чин>

Изменяемое №2

Прокимен после «Свете тихий»: *См. Прокимен дня <далее см. основной Чин>*

Изменяемое №4

Лития *глас 1:*

Яко на твердем камени/ исповедания Христова,/ водружена
бывши, Екатерино всехвальная,/ гонителя льстиваго во мраце
погрузила еси/ и венец победы достойный восприяла еси.

С Вышними чинми сочеталася еси, славная,/ мир оставльши и
Христа возжелевши,/ Екатерино всечестная,/ проси нам велия
милости.

Глас 2: Яко алавастр мира,/ кровь твою принесла еси Жениху
твоему, Христу,/ Екатерино мученице, страстносице непобедимая,
возмездие же прияла еси,/ венец нетленный от Него, досточудная./
Темже и началозлобнаго врага/ красными твоими ногами попрала
еси,/ призыванием спасеннаго Имене Иисуса Христа,/ сего ради и в

Небёсных чертёзех водворілася есі,/ яко дёва и мученица Христова многострадальная.

Глас 4: Сла́вим Твое́ мно́гое, Христё, благоутро́бие,/ и бла́гость на нас бы́вшую,/ яко и жены́ разру́шиша леть идолобе́сия/ сілою Крестá Твоего́, Человеколю́бче,/ мучітеля не убо́яшася, попра́ша льстіваго,/ возмо́гша же в след Тебе́ идті/ и в во́ню міра Твоего́ потеко́ша,/ моля́щеся о ду́шах на́ших.

Сла́ва, и ны́не, глас 6: Одесну́ю Спа́са предста́ дёва,/ и страстоно́сица, и мученица Ека́тери́на,/ одёяна в непобеді́мое добродётелей,/ и приукра́шена ма́слом чистоты́ и кро́вию страда́ния,/ и вопи́ющи к Немú в ра́дости,/ свещу́ свою́ иму́щи:/ в во́ню міра Твоего́ текóх, Христё Бо́же,/ яко уязвля́юся Твое́ю любóвию аз,/ не отлучі́ мене́, Жени́ше Небёсный./ То́я моли́твами,/ послі́ нам, всесі́льне Спа́се, ми́лости Твоя́.

<далее см. основной Чин>

Изменяемое №5

По полиелёи седа́лен **глас 8:**

Премúдрость войстинну с Небесé,/ усты́ Миха́ила Арха́нгела приёмши, мучени́це всехва́льная Ека́тери́но,/ в страда́ниях непобеді́ма, му́дрость вnéшнюю виті́ям посрамі́ла есі,/ му́дростию же Божёственною прёлесть поплева́ла есі./ Тёмже, ві́дяй по́двиги твой, Зи́ждитель предста́, укрепля́я тя:/ гряді́, – глаго́ля, – взы́ди,/ сокро́вища бо ти гото́ва./ Тому́ убо́ моли́ся, согреше́ний оставле́ние дарова́ти,/ пра́зднующим любóвию святу́ю па́мять твою́.

<далее см. основной Чин>

Изменяемое №6

Степе́нна, 1-й антифо́н, 4-го гла́са.

Прокі́мен **глас 4:** Ді́вен Бог во святы́х Сво́их, Бог Изра́илев. **Стих:** В це́рквах благослови́те Бо́га, Го́спода от исто́чник Изра́илевых.

<далее см. основной Чин>

Изменяемое №7

По 50-м псалме́ стихи́ра **глас 2:**

Дёвства твоего́ красоты́/ возжелёв Царь Сла́вы Христóс,/ яко непоро́чну тя невесту́ Себе́ обручи́,/ совокупле́нием нетлénным,/ і́бо во́лею Своёю, пода́в добро́те твоёй сі́лу,/ на врагі́ же и стра́сти

непобедіму показá,/ претерпéвши рáны гóрькiя и мýки свирéпья,/ сугúбым венцém увязé тя/ и поста́ви одесnúю Себé,/ я́ко ца́рицу испещрéну,/ Тогó моли́, мýченице честна́я и многострада́льная Ека́тери́но,/ певцém твои́м спасéние, и жизнь подáти,/ и вéлию мiлость.

<далее см. основной Чин>

Изменяемое №8

Канóн мýченицы *глас 8:*

Песнь 1

Ирмós: Колесницегонiтеля фараóня погрузи́/ чудотвори́й иногдá/ Моисéйский жезл, крестообразно порази́в/ и раздели́в мо́ре:/ Изра́иля же беглеца́, пешехóдца, спасé,/ песнь Бóгови воспева́ющая.

Ека́тери́ны, всемúдрыя мýченицы, моли́твами, Христé,/ мра́чное óко ду́шi мое́я просвети́,/ за́рю ми дай, Влады́ко, Твоего́ светолiтия,/ душетлénных падéний мои́х весь мрак потребля́ющую.

Направля́ема Влады́ки, всемúдрая, Божéственными повелéнии/ и Тогó любóвию пали́ма, потекла́ еси́, к подвиго́м тща́щися,/ и мучи́телей ра́зумы, Ека́тери́но, устраши́ла еси́/ сло́вом, и мýдростию, и благода́тию.

Управля́ема длáнию, сла́вная, крéпкою Христóвою,/ iдольския бýри избéгла еси́, мýченице,/ немóкренно преплы́вши креста́ вéтрилом и Божéственными вéтры Дýха,/ песнь Бóгу воспева́ющи.

Ра́дующися дéвственными добрóтами, Ека́тери́но мýдрая,/ и Божéственное знáние с Небесé имúщи,/ лжеимénного знáния благодержновéнно и мýжественно предстáтели посрами́ла еси́,/ ты́я держáвне победи́вши.

Богорóдичен: И́же Богорóдицу Тя проповéдует, Пречи́стая,/ вся́кия е́реси отриновéние iмать:/ плоть бо бýвша, неизмéнно родила́ еси́ превы́шша вся́кия, Богороди́тельнице, тва́ри/ Сло́во Бóжие Присносу́щное.

Песнь 3

Ирмós: Утвержде́й в нача́ле Небеса́ ра́зумом/ и зéмлю на вода́х основа́вый,/ на ка́мени мя, Христé, за́поведей Твои́х утверди́,/ я́ко несть свят, па́че Тебé, Еди́не Человеколю́бче.

Вольными твоими стремлѣньми вошла еси ко страданію, волею Христѣ подражающе/ и победивши свѣтло тьмы миродержца,/ венценосица явилася еси, Екатерино Богоприятная.

Крепостию ума обличила еси мучители,/ безбожия в глубинѣ валяющияся,/ риторствующи яве Богознанія догматы,/ Божіею мудростию мученица уясняема всехвальная.

Равнобожие во уши Евине пошептáвый,/ от отроковицы младыя ныне попирается,/ оружіем бо Крестѣ оградившися, посрами Екатери́на мученица/ безмѣрно того хвалящаяся.

Богородичен: Умерщвлѣнный мой ум жизни дѣйством из Тебѣ явльшися міру воздвигни,/ язвы и струпы истребляюще греховныя,/ едина Богородительнице Всенепорочная.

Конда́к святыя, гла́с 3. Витѣйствующи днесь, Екатери́на мученица/ и витіям обличі умовредную ересь,/ Ангел бо с Небесѣ к той прииде, сі́лу от Вышняго принесѣ,/ юже приѣмши, мужески рече:/ Христосъ есть мучеником похвалá.

Икос: Свѣтом Твоимъ, Христѣ, просвети сердце моѣ/ и Духом Твоимъ разшири ны́не уста́ моя/ воспѣти досто́йно Твою́ страстотѣрпицу,/ та бо воистину, слóвом и благодáтию, мудростию и духом оградившися,/ всем ору́жием Троицы Честны́я/ множество обличі витѣйствующих, в суетѣ хвалящихся,/ и сих приведѣ Тебѣ, Бóгови своему́, Влады́це и Спа́су всѣх, вопіюще:/ Христосъ есть мучеником утверждѣние.

Песнь 4

Ирмо́с: Ты моя крепость, Господи,/ Ты моя и сила,/ Ты мой Бог, Ты моѣ радованіе,/ не оставль недра Отча,/ и нашу нищету посетив./ Тем с пророком Аввакумом зову Ти:/ силе Твоѣй слава, Человеколю́бче.

Страдальческое, Екатери́но, противлѣние показáла еси,/ мученице приснопа́мятная,/ враждебнику зело́ терпели́вно противляющися/ и того поправши но́гами красными Крестѣ сі́лою,/ страстено́сице, мучеников похвалá.

Невѣста Христо́ва, Екатери́но всеблаже́нная, явилася еси,/ Божественныя красоты́ световидными лучáми просвещáема и

добротою сияючи./ Тѣмже и, веселящися, песнопоеши Владыце:/ силе Твоей слава, Человеколюбче.

Мучительскую гордыню низложила еси/ и Божественным словом мудрости твоея/ яко от глубины лестнаго демоноговения прельщаемыя исхитила еси,/ учащи звати Христу песнопойщия:/ силе Твоей слава, Человеколюбче.

Благодарное и светносное торжество славныя памяти твоея, всехвальная,/ крепко дерзость вражию поправши, яко солнце, возсия,/ в немже велегласно Владыце вопиём:/ силе Твоей слава, Человеколюбче.

Богородичен: Ныне крепость низложи/ отмечающихся образа, Отроковице, поклонения Тебе, Чистыя,/ и паче ума из Тебе воплощеннаго и мир весь просвещшаго, и всех святых,/ верою же чтущия Тя просвети, едина Всепетая.

Песнь 5

Ирмос: Вскую мя отринул еси/ от лица Твоего, Свете Незаходимый,/ и покрыла мя есть чуждая тьма, окайннаго,/ но обрати мя и к свету заповедей Твоих/ пути моя направи, молюся.

Любовию огнепалима, мученице всеславная, Владыки твоего/ и ищущи Того недомысленную доброту видети,/ самовольным нравом ранам себе вдала еси, девства сияючи благодатьми.

Страстьми священнейшими, отроковице добродѣво,/ украсивши тебе самую благолѣпно,/ возшла еси к Небесному Христову чертогу/ и ныне светло твоему Жениху, веселящися,/ сочталася еси, всеблаженная.

Отроковица всесветлая явилася еси, возлюбивши Единого желаемого,/ и, во след Того крепчайшее течение совершивши,/ в воню мира твоего умнаго истощеннаго, вопияла еси:/ теку, Женише мой.

Богородичен: Истинную Богородицу Тя вси познавше, Пречистая Владычице,/ из Тебе рождагося Бога Слова ведяще,/ проповедаем во дву существах, хотениях самовластных познаваема, Мати Богоневѣстная.

Песнь 6

Ирмос: Бездна грехов и прегрешений буря мя смущает/ и во глубинѹ нужднаго реет мя отчаяния,/ но Твою крепкую руку мне простри, яко Петрови,/ о Управителю, и спаси.

Всю тя, добротой сияюще, дѣвства зарею,/ мученическими же, отроковице, обогрѣну кровьюми, видеви,/ благое Слово и пречистое в чертозех Небесных тя всели.

Возмогла еси Крестом мучителей разрушити державу,/ и мирския мудрости обличивши суету,/ Богодохновеннаго учения точащи догматы,/ велемудренная Екатерино приснопамятная.

Лестию первее Адама райския сладости изгнавшего,/ ран болезни крепко терпящи, низложила еси на землю, мученице всеславная,/ и венцы Царствия венчалася еси.

Богородичен: Милостива мне Судию и Сына Твоего, Богородице Дѣво,/ Твоими мольбами быти в день Суды, Избавителя же лютых, Мати, сотвори,/ к Тебе бо единой надежды возлагаю.

Кондак, глас 2: Лик честный Божественне, мучениколюбцы,/ воздвигните ныне, почитающе всемудрую Екатерину,/ сия бо в тризнице Христа проповеда/ и змия попра, ритором разумы укротивши.

Икос: От Бога мудрость приими издѣтства, мученице,/ и внешнюю добре мудрость всю извѣче,/ познавши убо от той стихий движение же и творение по слову,/ и сия из начала словом Сотворшаго,/ Тому благодарение в нощи и во дни приношаше, идола низложивши/ и сим несмысленно служащия ритором разумы укротивши.

Песнь 7

Ирмос: Божия снисхождѣния/ огонь устыдѣся в Вавилоне иногда,/ сего ради отроцы в пещи радованною ногою,/ яко во цветнице, ликующе, пояху:/ благословен еси, Боже отец наших.

Мучеников хвала, благочестия учительница была еси,/ светлому твоему Жениху мучеников множество приведши, Христу./ С нимиже зовѣши, всехвальная, поющи:/ благословен Бог отец наших.

Слово твоё премудрое ко спасению многи исхити от идоленействовства/ и светоносны яви мученики, велегласно с тобою взывающия:/ благословен Бог отец наших.

Отроковица, в след Тебе идущи, Тебе приведёся, мечём посечена,/ Твою подражаючи страсть пречистую/ и Тебе, Зиждителю, вопиючи и глаголющи:/ благословен Бог отец наших.

Богородичен: Святых Святый, в Тебе свято вселився, Чистая Богородице Дево,/ воплощен, из Тебе раждается, за еже спасти верою зовущия:/ благословен Бог отец наших.

Песнь 8

Ирмос: Седмерицею пещь/ халдейский мучитель/ Богочестивым неистовно разжже,/ силою же лучшею спасены, сия видево,/ Творцу и Избавителю вопияше:/ отроцы, благословите,/ священницы, воспойте,/ людие, превозносите во вся веки.

Твоими учении царица, верующи, притече ко благочестию,/ и крепко претерпевши болезней чувство,/ и Царствия Небеснаго непреемнаго явственнo сподобися, вопиючи Владыце:/ священницы, благословите, людие, превозносите во вся веки.

С мученики да будут верных прошения,/ страстотерпица бо Христу предстоит, просящи лучшая и спасения ходатайственная/ всесвятую и честную её память усердно совершающим и верно песнопощим:/ людие, превозносите Христа во веки.

Отверз, приемлет тя Жених, всеумудрая, двери райския,/ и в чертозе всесветлем обитати сотвори,/ царствия причастницу яко сообщницу страстей являет./ Емуже ныне предстоящи, царева дщи, светло украшена, нас не забуди.

Ухищренными глаголы искушаше мучитель,/ и уветливословии, лютый, лстя, разслабити твою крепость надеявся, славная,/ но увеститися Христу хотящи, вопияла еси Владыце:/ священницы, воспойте, людие, превозносите Христа во веки.

Богородичен: Священнейши была еси, Богородице всенепорочная, премирнаго Ангелов чина:/ сих бо родила еси Содетеля и Господа от девственных и неискусобрачных утробы,/ во двух существах неслиянно и невращно, во единой же Ипостаси Бога воплощенна.

Пёснь Богорóдицы: Велíчит душá мойá Гóспода: <см. основной Чин>

Песнь 9

Ирмós: Ужасёся о сем Нёбо,/ и землú удивíшася концý,/ я́ко Бог явíся челове́ком плóтски,/ и чрёво Твоё бысть простра́ннейшее Небёс./ Тем Тя, Богорóдицу,/ А́нгелов и челове́к чинонача́лия велича́ют.

Преста́вилася есí к Черто́гом световíдным, невестными укра́шена ўтварми,/ дёвственную имúщи свещú в твоёй десни́це,/ в друго́й же держа́щи отсечённую твою́ главú./ И ны́не, предстоя́щи Христу́, твоему́ Жениху́, Тя пою́щия сохрани́.

При́ята бысть твоя́, Богомúдрая, моли́тва,/ ве́рою бо твоё именúющия íмя, честна́я,/ спаса́ет Влады́ка от искуше́ний и благополу́чие подаёт,/ неду́гов избавля́я всеразлíчных, душе́вных же и телёсных./ Тем тя, веселя́щеся, Екате́рино, ублажа́ем.

Приста́ла есí тíхому приста́нищу ны́не,/ благоопря́тно же и лёгко́ мо́ре мирско́е, мученице, преплы́вши трево́лнений,/ не искуси́вшись, всемúдрая,/ бога́тство много́разлíчное Христу́ принося́щи, де́во,/ мно́жество мученик, Екате́рино всеблаже́нная.

В черто́зах Небёсных ны́не внутри́ с дёвственных ли́ки ликовству́ющи,/ мученическими озаря́ема луча́ми, Екате́рино всемúдрая,/ разреши́ паде́ний мо́их плени́цы, усёрдно моля́щи всех Благоде́теля,/ за Егóже кровь твою́ излия́ла есí.

Богорóдичен: Явíлася есí, о Де́во Ма́ти Бо́жия!/ Па́че естества́ ро́ждши в телеси́ благо́е Сло́во,/ Егóже от се́рдца Своего́ Оте́ц отры́гне пре́жде всех веко́в, я́ко благ,/ Егóже ны́не и телёс превы́шша разумева́ем, а́ще и в те́ло облече́ся.

<далее см. основной Чин>

Изменяемое №9

Свети́лен:

Возжи́яема мудрова́нием жен, о де́во Екате́рино всечестна́я,/ страстоте́рпцев сла́во, филосо́фов хитро́сть о Бо́зе обличи́ла есí,/ я́ко буесло́вие сýщу и баснь,/ всенепоро́чную íстинно Ма́терь Бо́жию спомóщницу стяжавши.

Сла́ва, и ны́не: А́нгельстии чíни и мученический лик пра́зднует днесь с на́ми/ в Божёственном введе́нии Богоотрокови́цы и Ма́тере

Господни/ от Иоакима же и Анны,/ вкупе твердаго Меркурия и преславныя Екатерины./ Ихже молитвами обрести нам оставление многих согрешений, молимся.

<далее см. основной Чин>

Изменяемое №10

На стиховне стихиры глас 1:

Приидите, празднoлюбцы вси,/ пeсньми почтiм eдiну Богородицу/ Чистую и Дeву:/ ввoдится бо в храм Бoжий,/ в нем жити нынe свeтло,/ святeйший воистинну Христoв храм,/ и радости всякия Хoдaтaица.

Стих: Привeдyтся Царю дeвы в след Ея,/ и yскрeнния Ея привeдyтся Тебe.

Двeри, прорoче, oтвeрзи,/ вeрoю приeмли в храм Господeнь привeдeнную,/ всех Aнгeл же и человек похвалy/ и свeтло радoвание,/ внyтрь жити и ликовати,/ яже храм Бoжий и oбителище.

Стих: Привeдyтся в вeсeлии и радoвании,/ ввeдyтся в храм Царeв.

Богородица Марiя, в храм привeдeна,/ хлеб приeмлющи от Aнгeла, явiся,/ вопиюща Ей, радуйся:/ зачнeши Сына неискyсoмyжно,/ Богонeвeстная благoслoвeнная Богородице Дeво,/ земным бoгoнаслeдие и наздaние.

Слaва, глас 2: Житиe невещeственнo навыкши,/ судище безбoжное достигши, стaла eсi,/ побeдонoсице Екaтeрино чeстнaя,/ цвeтoнoсящи Бoжию свeтлoсть;/ и, Божeственнoю мoщию oдeяна,/ повeлeнию мучитeлeву поругaлaся eсi/ и риторoв утoлила eсi лживыя рeчи, многoстрaдaльнaя.

И нынe, глас 8: Дaвид провозглaшaше Тебe, Прeчистaя,/ провидя oсвaщeниe вxoдa Твoегo в храм:/ в нeмже концы, днeсь прaзднyющe,/ славoслoвят Тя, Всeпeтaя:/ Яже бо прeждe Рoждeствa Дeвa/ и по Рoждeствe прeбывши нeтлeнна,/ Мaти Слoвa Жизни./ Днeсь в хрaмe Захaрия вeсeлiтся,/ восприeм Тя, Владычице,/ и святaя святых радуются,/ пoдъeмши Тя, истoчникa жизни нaшeя./ Сeгo рaди и мы псалoмски вопиeм Ти:/ o нaс мoли Сына Твoегo и Бoгa нaшeгo/ дарoвaти нaм вeлию милoсть.

<далее см. основной Чин>

Утром 7 декабря

По 1-м стихословии седальны *глас 8:*

Кровей твоих струями, мученице Христова, / потоки благочестия
вину содеваяши прехвальная, / одождением же благодатным
словесныя нивы напаяючи, / благодатию в них прозябаяши класы
веры. / Темже преславно и по смерти явилася еси, / точащи живот
мучения ради, / страстотерпице прехвальная Екатерино, моли Христа
Бога / согрешений оставление даровати / празднующим любовь
святую память твою.

Слава, и ныне, Богородичен: <далее см. основной Чин>

По 2-м стихословии седальны *глас 4:*

Пришедшую ко Христу волею и украсившую добродетельми
сердце, / Боголепно воспоём всемудрую Екатерину, верных
множества, / та бо посрами мучительскую дерзость, / просиявши, яко
солнце, среди беззаконник, / и по кончине явися земным
утверждение Божественное, вкупе и держава.

Слава, и ныне, Богородичен: <далее см. основной Чин>

Тропарь *глас 4:*

Добродетельми, яко лучами солнечными, / просветила еси
неверных мудрецы. / И, якоже пресветлая луна ходящим в ночи, /
неверия тьму отгнала еси / и царицу уверила еси, / вкупе же и
мучителя обличила еси, / Богозванная невесто, блаженная
Екатерино, / желанием востекла еси в Небесный чертог / к
прекрасному Жениху, Христу, / и от Него царским венцем венчалася
еси: / Емуже, со Ангелы предстоящи, / за ны молися, / творящая
пречестную память твою.

<далее см. основной Чин>

На хвалитех стихир:

Стих: Сотворити в них суд написан. / Слава сия будет всем преподобным Егб.

Стих: Хвалите Бога во святых Егб, / хвалите Егб во утверждении силы Егб.

Стих: Хвалите Егб на силах Егб, / хвалите Егб по множеству величества Егб.

*Глас 4. Память всесвященную, Екатерину всехвальная, / честного
твоего страдания совершающе, / славим во гласех непрестанных /*

даровавшаго терпение тебе твердое,/ и победоносну ты показавшаго,/ и слово тебе подавшаго, устрашающего риторы,/ Иисуса Человеколюбца, и Спаса, и Господа.

Стѹх: Хвалите Его во гласе трубнем,/ хвалите Его во псалтыри и гуслех.

Память всесвященную, Екатерино всехвальная,/ честнаго твоего страдания совершающе,/ славим во гласех непрестанных/ даровавшаго терпение тебе твердое,/ и победоносну ты показавшаго,/ и слово тебе подавшаго, устрашающего риторы,/ Иисуса Человеколюбца, и Спаса, и Господа.

Стѹх: Хвалите Его в тимпане и лице,/ хвалите Его во струнах и органе.

Мученице самовольная,/ Екатерино всеславная, явилася еси,/ мучителя благомощно обличивши/ и лютое неистовство многобожия/ Богознания сиянием низлагающи/ и Божественною благодатию./ Отонудуже, и яко мученицу, и яко деву непорочну,/ Христос венча, Спас душ наших.

Стѹх: Хвалите Его в кимвалех dobroglasnykh, хвалите Его в кимвалех восклицания./ Всякое дыхание да хвалит Господа.

Благодать Духа, Екатерино всеславная,/ отвержением уст прияла еси,/ очистивши тебе самую житием,/ и помыслом терпеливым/ мучителей гордость попрала еси,/ и доброте телесной душевную красоту/ Богомудренне предпочла еси,/ страдальцев удобрение.

Слава, глас 2: Житие невещественно навыкши,/ судище безбожное достигши,/ стала еси, победоносице, Екатерино честная,/ цветоносящи Божию светлость/ и Божественною мощию одяна,/ повелению мучителю поругалася еси/ и раторов утoliла еси лживыя речи, многострадальная.

И ныне, Богородичен: <см. основной Чин>

Изменяемое №15

Кондак глас 2:

Лик честный Божественне мучениколюбцы,/ воздвигните ныне, почитающе всемудрую Екатерину,/ сия бо в тризнице Христа проповеда,/ и змия попра, раторов разумы укротивши.

<далее см. основной Чин>

На Литургии

Прокімен, *глас 4*: Ді́вен Бог во святы́х Сво́их, Бог Изра́илев. *Стих*: В цѣ́рквах благослови́те Бо́га, Го́спода от исто́чник Изра́иловых.

Аллилу́ия, *глас 1*: Воззва́ша пра́веднии, и Госпо́дь услы́ша их, и от всех скорбе́й их изба́ви их.